

兩浙輶軒續錄

兩浙輶軒續錄卷七日

梁同書 沈祖惠 鄒士城 周 燁 葉 經

周震榮 朱 篆 費孝昌 趙學敏 葉以照

胡 璜 單 炤 沈時俊 董兆元 徐 望

沈 燁 余昂霄 朱休度 朱 煥 莫廷魁

許 瀚 董秉純 季汝明 程 浩 李汪洪

方 照 胡青上 鍾駕鼇 張映垣 張 鯤

葉上林 周 春 嚴文典 諸克紹 黃大謀

王 元 朱 鎰 顧列星 潘正誼 馮 炳

戚儀鳳 章耀曾 胡德炘 鍾 鼎 邱學勳

陳元松 徐錫川 唐象法 楊 華 錢大經

吳 巖 金 叻 孫鳳翥 鄭兆龍 吳國玫

兩浙輶軒續錄卷七

督學使者潘衍桐訂

梁同書

字元穎號山舟錢塘人詩正子乾隆壬申進士官翰林院侍講嘉慶丁卯重宴鹿鳴加翰林院侍講

署頻羅庵稿

許宗彥傳習學士書法顏柳中年用米法七十後愈臻

變化名滿天下日本國有王子好書以其書介商舶求

評定琉球人自太學歸國踵門乞見以無相見儀卻之

其人太息曰國王命必一見今不可見乞書一紙持以

復國王耳少工詩與儕偶

酬唱風華雋瞻神韻彌遠

陳鴻寶序畧山舟能詩嘗集杜句如舊續集天穿地巧

妙台自然

國朝竹垞最工此體若唐堂老人香屑集後一卷亦可謂

極能事矣然徒拾金釵鈿合之塵不將使少陵風骨稍

貶耶此集妙處恐荆公晚

歲所為亦無以過之也

杭郡詩續輯集中詩三卷集杜二卷文四卷題跋四卷

直語補證一卷日貫齋塗說一卷筆史一卷又有屬辭

筐舉一書則未成者也居鄉儉于自奉一冠數十年不

士大夫

所矜式

所矜式

蒲褐山房詩話元穎爲我師文莊公長子少入詞館戊寅大考翰詹仰荷

恩綸

升擢侍講旋充講官以丁嗣父憂歸嬰疾遂不復出而

老師宿儒文人詞客踵門來見必倒屣迎之其浙閩貴人軒車過訪報以一刺之外未嘗往也能詩尤工書東南士大夫碑版及琳宮梵宇題額有求輒應而節鎮屬書則屢年不報海內益以此推重之年踰入裘明鏡矮紙猶能運筆人謂唐歐陽信本明文衡山之此也

謝西隄寄惠洞庭碧蘿春茶陳鳴遠製龔春壺

吾聞閔仲叔一片豬肝羞齷齪平生嗜水愛別茶重累長鬚

寄頻數昨年贈我龍泓溪上之新芽千里家山塵夢續今年

贈我莫釐峰頂之春蘿青筠緘封不盈掬此茶自昔知者希

精氣不關火焙足蛾眉十五采摘時一抹酥胸蒸綠玉襪袿

不惜春雨乾滿盞眞成乳花馥佐以龔春蓮子壺認是前朝

名匠琢蠅頭署款小印蟠如錐畫沙鐫在腹此茶此壺兩清

絕所得不翅兼隴蜀空宵正要壓睡魔瘦骨那愁消肌肉怪

君飲水是官聲胡不哦松聽茶熟自言局束簿書堆嗜好酸
鹹許我獨嗚呼君非安邑我非閱茶事累人差不俗

題元鄭彥瑛小楷黃庭經卷

吾杭元代多詩人書家獨數仇山村亦有寓公吾瞎子篆籀
學古追周秦至于小楷擅場少得松雪法吳福孫誰歟寫此
換鶯帖絹本縮于王右軍不施闌道直若綫蠅頭精絕規模
勻偏從窄處見寬綽卻用全力逾丰神鄭瑤其名彥瑛氏泰
定二年月在春自署武林譜失載可知傳少彌堪珍吾家舊
藏倪迂卷出自

寶笈頌先臣內景全帙五千字自首至尾無脫文筆如游絲
之輕颺冉冉欲墮空凡塵玉虹鉤勒幾歲月珉石始得傳其
真以君此卷相比較邢尹不須優劣分一爲逸品一能品思

翁而在宜云云

送吳鞠田之雲和廣文任

幾年京國滯修翰，味輸君首藉盤五斗終。慙吾道貴一瓊，遠戀舊時寒儘容。薄俸供狂飲，猶有貧交羨熱官。此去綠波亭外路，好攜杖履看巉岈。

陳三

鴻寶

以松頂秋鷹圖索余集句禁用畫鷹畫鶻諸

篇因成七古一首

天寒日暮山谷裏，青草萋萋盡枯死。翠然眉骨皆爾曹，咫尺應須千萬里。障子松林靜杳冥，淩雲健筆意縱橫。滿堂動色嗟神妙，側身注目長風生。黑鷹不省人閒有，過鴈歸鴉錯迴首。彷彿蹴踏寒山空，紫氣鬱鬱猶衝斗。逸羣絕足信殊傑，草動只怕長安射。借問苦心愛者誰，時有西域胡僧識。乃知變

化不可窮何恨憔悴在山中英雄有時亦如此今之畫圖無
乃是

同弟 敦書 過江上舊廬 集杜

小徑升堂舊不斜夜來吹折數枝花已知出郭少塵事且盡
芳尊戀物華雲白山青萬餘里江深竹靜兩三家百年地僻
柴門迴弟勸兄酬何怨嗟

含象鑑歌 并序

唐司馬承禎鑄以進於元宗道藏國宇函載含象鑑
圖經一卷始末甚詳吳郡陸某以五銖之直易之都
市陸好黃老之學被褐子其自號也

天台道士蓬萊客倒瀉頑銅鑄月魄金膏一點飛清光千歲
妖慕不敢蝕其博五寸厚五分圓規方鼻形象陳布列八卦

符道眞環以雲物兼星辰一十六字小篆銘始自天地終百
靈誰其得之被褐子曾寫丹經學不死市上還將碧眼留袖
中忽訝金波徙揚州水心久淪墜此鏡猶邀神物庇可惜當
年鑄就時不與開元厭魍魅望春宮外禍泉溫蝦蟇化作長
蚪奔至尊王母不知鑑寶匣亦被煙塵昏鏡兮鏡兮今將拭
汝以龍麟之拂纏汝以虹蜺之結盛汝以自然雲霞之囊藉
汝以上清飛龜之帙藏之幽人白茅室秋老寒空土花活子
孫永永祓不祥白日青天羣鬼滅莫教展向玉臺前只照星
星頭上髮

程易田孝廉以臨董書王氏御書樓記授其孫錫用收

藏時易田政六十赴禮部試入京其座主曹地山宗

伯贈以字幅款誤田旁加壽易田歸因一再跋於卷

尾并自鐫益壽翁及長壽童子二印鈐之自壽也亦
祝其孫也而是年復得第四孫遂爲一段佳話裝背
成軸索同人記之余亦綴以長句

小蘇兒孫七男子斗老生時行第四朋來大壯泰臨復君喜
充閭適符次東坡祝語筋骨彊君獲嘉名益壽字壽人壽國
壽子孫鐘鼎旂常自茲始不見當年文肅家大筆焜煌御書
記阿翁妙墨工臨摹佳兆先徵事尤異董曹前後兩尙書都
爲君家作寶誌此卷留貽後嗣賢大弓寶玉長無墜

題東林書院產芝圖爲顧響泉作

相逢白隄畔如覩紫芝稀示我慈山畫宜君講席依春風馬
融帳五色老萊衣持奉高堂上談經有母韋

送翟晴江南歸

科名入手歸計足天遺著書成此翁檀弓兩卷言物始晴江所著

有通俗編幽風七月歌田功詩稿多及田家事沙村十里五里路秋思一

橋一水中幽人樂事不可數冥冥我羨南飛鴻

秋圃雜詠同述庵作

白花何淡淡紫花何離離晚花角上總早花眉下垂一番涼

露泣幾點疎雨肥生香傍籬落風味野老知我來棚底坐散

髮斜陽時似閨絡緯語為我寫鄉思豆花

秋星曉未收光景淨於洗小草澹眾芳延緣青竹尾圓摺皺

欲舒一碧翦天水惜哉抱弱質開落朝權似為語牽蘿人莫

采此花蕊采遲色不如采早露如許叶花 牽

昔人疏草木或云卽蒲蘆低傍青豆架高綴碧玉壺犀老腹

則堅斷取霜寒初小可供几案大可浮江湖所以王元禮愛

玩常區區詩成在一擲我愧非其徒

壺盧

吾弟讀書處青乳顏其屋宿土埋深根蟠屈纒一東方春引
龍須怒走漲天綠漸看纓絡垂卻喜珠露沃穎綻不容排色
淨似可漉遠人憶此無悔不涼州牧

蒲桃

沙隴寬作畦香苗自成畝年年秋社前磊落分子母黃割朶
朶雲紅苗纖纖手是時飽霜螯到處鳴齧白園官吾故人分
致意則厚藉糟儲瓶罌歸而謀諸婦

薑

蔬中有菘菘是處種不乏尤宜出沙壤脆玉不勝掐北人麥
爲飯炎毒苦難戢生啄勝梨頭涼冷沁肺葉園丁資地利街
市肩擔壓不見王爽兒干縉易宦業

蘿蔔

題翟晴江書巢圖

先生吾故人相知逾卅載生平無一嗜枕藉書史內晝盡繼

之夜鐙檠鎮長對丹黃雜研摩筆末事鋤刈編香動等身呷
嚙欲枯肺前生定書魚字字百雜碎所居城東鄉鍵戶謝俗
態茅堂開三閒以書作襟背左旋而右抽上睽或旁睇縱之
復橫之亂疊斐几礙嶷嶷兩孫雛毛羽非凡輩攤書解滿牀
有若盤弄眸先生巢中居暇或示勤誨居然南面擁肯貽羸
金穢吾生眼如月情學淪幽晦豈無卷五千閣束同捆載少
年倏又過炳燭光不逮對茲巢中人能無生感悔

題陳九儀畫冊

述庵先生吾畏友一代詞場斲輪手風雅端能被後生掄揚
輒向誇誰某絳帷弟子潁川陳詩名耳熟殊凡倫尤工繪事
逞餘技有才不偶徒風塵風塵漫說卑棲穩落拓官身稱吏
隱一檝來從青浦濱家江恰與錢湖近湖山藹藹湖波澄衙

齋几淨鋪溪藤折腰敢笑種秫令署尾胡礙哦松丞官閒大
可供瀟灑況有丹青足陶寫昨來示我幾幅圖幅幅林泉總
清雅神明古法師古意眼前誰復如君者我昔聞陽城主簿
陳仲仁畫格直與吳興鄰又聞待詔陳子久渲染徐熙得八
九君家家法本天機一官可惜轅下鞅卻將墨瀋了公事等
是江南胡不歸卅年我愧林間住爲欠平生濟勝具讀君之
畫贈君詩胸中觸撥雲煙趣安得煩君徧寫湖上山坐臥空
堂長不去

答友人作二首

卅年蒲柳早衰蕪壯不如人況老乎苦筍硬差良有願胡蘆
依樣已難摹休言報國文章在只合投閒草木俱物不答施
天地大始終慙負是頑軀

北望

君恩首重回一門三世盡栽培臣心不是蒼施草天意須憐
擁腫材絮到泥霜飛不起豆和灰冷爆難開他生願作銜環
雀再上觚稜高處來

許周生駕部以詩賀予九十生日依韻答之

衰病頻年一再經賸將皮骨挂頽齡豈知天許餐荷葉浪被
人呼作草星故紙且留今日債老書難發少年靈比他窗外
雙蠲愁不到霜寒已早零

題温忠烈公遺像卷內附家信二通各讀鳥程人

釋褐官司李時危髮已皤四刻爭舉燧一掌獨埋河劍得知
心友書留正氣歌還憐妻與女相伴國殤多

已墜虞淵日揮戈孰魯陽力難醫國活身遂與城亾小影蒼

顏見孤忠碧血藏易名褒

聖主千載發幽光

沈祖惠

榜姓李字岷望號虹舟嘉興人乾隆壬申進士官江西高安知縣著虹舟集

見以失儀改教職詩頗雄壯近少陵

自平番出塞晚至松山驛

不毛恥厚地仰日信高天獨鳥空山外驚狐積雪邊霜原羅

帳小雲頂壓松圓面土三年拭蒼涼舊驛前

甘泉曉發

客夢春寒破林風響遠皋危輿雲棧曲細馬亂峯高地向南

中盡天從劍外遭相隨星使節蓬鬢日蕭騷

鄒士城

字宗子號介如允煥子錢塘人乾隆壬申舉人官直隸磁州知州

杭郡詩三輯介如幼而岐嶷長通經術治春秋師陳太僕句山友梁學士山舟以名孝廉出宰直隸歷知廣昌

安肅豐潤玉田縣事擢薊州知州調磁州抑強扶弱
豪貴惕息旋以辦理進征大小金川兵差積勞卒

集陶五首 錄二

犬吠深巷中寂寂無行迹
繞宅生蒿蓬開徑望三益
寒雲沒西山氣變悟時易
念我意中人清飈矯雲翮
顧我抱茲獨長枯固已劇
濁酒且自陶厭厭竟良月

出門萬里客相將還舊居
山川豈不險似為飢所驅
顏生稱為仁屢空常晏如
三旬遇九食慰情良勝無
苟得非所欽棲遲固多娛
蕭索空宇中慨然念黃虞

周

堉 字雙橋錢塘人乾隆壬申舉人官長興教諭

緝雅堂詩話雙橋初宰麻陽治行甚著詩云
庭閒草初綠山古泉自清可以想其襟抱矣

謝文節號鐘琴為吳素江所藏作歌紀之

卓哉謝君直信州失守隱唐石力揆時事不可為哭嚮東隅

人莫識賣卜淒其走建陽側身天地望蒼茫料得橋亭當日
硯此琴亦與偕行藏一朝流落歸誰氏今喜得之延陵子銘
鐫古隸字號鐘賞音從此逢佳士一彈清風生再鼓哀鴻鳴
調高絃絕擊碎竹如意天風海水捲起匡山聲乃知文節琴
卽是文節心回首趙家誰振懦願效采薇甘死餓遺書卻聘
慨無才忍見冬青愁日暮淒涼一曲夜鐙青憫忠寺外雲冥
冥楓林月墮關山黑恍惚冰絃集百靈

葉

經字臨九仁和人乾隆壬申舉人官平陽教諭

三元洞妙遠閣

石徑盤紆入探奇洞裏天檐飛巉壁雨閣枕大江煙覽翠羣
峰拱翻經法鼓懸長風助清聽身在水雲巔

周震榮

字清在號篋谷嘉善人乾隆壬申舉人官直隸永定河南岸同知

湖海詩傳清在一行作吏久淹下邑而嗜書好古留心金石文字又愛禮賢士大夫如章進士學誠徐薊坡陳以綱兩明經皆延之賓館所撰武清縣志詳核有法又取鄭氏周禮注刻之

金塗塔拓本歌

鳳凰山前萬松嶺碧波雲鶴空遺亭表忠觀但存二石金塗塔況餘千齡深宮五夜苑金土如來西域常留形白蓮蹟古已難問白石詩在猶堪聽家山夢遠桐鄉好雅事翠墨爭傳靈坐想臨安千載上篤生異人五季丁弩卻胥濤樓疊雪排衙石筍山圍青萬姓依王王佞佛佛身千億千穹冥蜀漢同時紛割據頻年戰伐悲憐螢錦繡萬山恣逐鹿觸蠻一角終憐颺翠鈿紫陌春花輦私第黃金海物瓶還鄉唱罷王孫去保俶崔巍月入樞烏井荒祠遺老拜北邙宿草東風醒君去更尋握髮殿蒼苔敗瓦或有功臣型

朱

篆

字人龍海鹽人乾隆壬申舉人官太平教諭著淡遠堂詩

胡文蔚跋略幼時聞學使者有武原七子之目先生與焉

方竹邨招飲福慶庵

獨飲不成醉良朋忽見招雅懷攜酒榼避俗到僧寮白髮緣
俱澹青樽興尚饒歸途看酩酊明月出山邀

費孝昌

字過亭烏程人乾隆壬申舉人官御史

和徐芷堂司馬詠秋海棠八首 錄一

一時名友散東皇猶有前身認短牆但覺疏籬相對淡未妨
微雨不聞香舊時池館空幽怨半面風流付嬾妝譜入徐熙
寫生筆哀蟬落葉弄初涼

趙學敏

字恕軒號依吉錢塘歲貢候選訓導

楊振鐸曰依吉精岐黃家言著書甚夥為利濟十二種
日醫林集腋十六卷日養素園傳信方大卷日祝由錄

驗四卷曰囊露集四卷曰本草話三十二卷曰花藥小
名錄四卷曰升降祕要二卷曰概生開覽四卷曰藥性
元解四卷曰奇藥備考六卷曰本草綱目拾遺十卷至
串雅內編四卷外編四卷合刊於許氏榆園皆持虎據
者之祕
方也

書李蘇鄰明府蕭山遺愛錄

公本仙曹香案吏謫向紅塵贊

聖治光山毓秀啟仙源杏苑探花遂初志及時謁選出金門

分符敷歷三吳地履畝曾披華頂雲公初任天台移官又策剡源

騎乾隆癸丑公愛民潔己樹風規政簡刑清見精粹士元原

非百里才言偃何妨割雞試名聞在上器公能調以繁劇膺

簡畀嘉慶丁巳公蕭然吳越隔江分土瘠民貧不易使公來

入境布仁風六載勤宣溥其利江沙埒漲本不常牧租一例

無軒輕公爲分等別肥磽減則寬租請

恩施聞堰盜區等萑蒲殲厥渠魁反掌易勸農勸學更殷勤
植紀扶綱鮮廢墜愛賢掃徑待羊求課士開筵講洙泗俗嫻
禮義盡懷刑訟庭花落無人至讀史閒開朱鳥窗放衙穩卧
黃紬被方期滿秩定超階何意搏鵬忽垂翅呂端豈因小事
迷孟明竟以一眚累民歌孔邇孰忍離蜂聚喧馳叩大吏乞
恩借寇再三年厚我民生在餘暨二十四鄉父老連厥角若
崩共求示許丞廉潔行部知黜陟難爲破格庇卻教彭澤賦
歸來滴盡河陽花下淚羣黎環堵黯然傷把酒離亭爭獻饋
公曰毋憂新令來民曰公去德誰嗣佩公之德不可忘咸以
詩歌作行記琳琅一一生祥光鐘鼓嗶嗶發清吹鼉擲鯨呿
列大文鸞翔鳳翥開新義鰕生讀此增感懷想見深仁通寤
寐誰謂蚩氓竟若愚甘棠勿翦寄詩思一編終古快流傳敬

仰高風動企止

葉以照

字青煥錢塘人

緝雅堂詩話青煥慕徐霞客之為人好游山水其妻亦有高致嘗質釵珥以供游費遂登山絕頂行記數卷
疏散雅澹無些子塵俗氣集中佳句如日明千嶂出雪
壓萬松低新詩如野客長劍託平生好游添日記多病
戀春衣皆非俗手可到也

贈隱者

結屋寒雲中林深卻無路飢來不乞食自有桃千樹

秋日山居即目

秋樹瘦無比秋山淡可憐空亭長寂寂衰草帶寒煙

山亭新霽

林下雨初霽山亭空翠飛綠蘿長幾許著地埽苔衣

胡璜

字玉虹海甯廩生

行在蒙
杭郡詩三輯玉虹年十一以能文名偕兄珠獻詩

恩獎資時依其外舅沈栽林居省垣天台齊宗伯召南主
敷文講席識拔於稠人中後以痘殤年僅二十有一

西溪探梅歌

西溪梅花一萬樹花時吹香滿溪路先春芳信已微逗命儂
嘯侶衝寒去扁舟一葉掠微波小橋曲岸次第過白雲深處
舍船入聞說梅花此地多雪壓冰封開未開邈迤屐齒破蒼
苔暗香浮動不知處村舍僧房徧探來自是探春時尙早未
見繁花媚晴昊晚醉橋南沽酒家煙外一枝真絕倒

單 昭 字斗南晚號華藏
居士富陽諸生

貝壙序略華藏先生博學善詩古文通竺典為道來法
師入室弟子深于易綜覽百餘家說而為之注惜彙已
散佚惟存小安

養齋詩一卷

杭郡詩續輯斗南少失學年十九始讀書王文瑞公杰
督浙學愛其才將貢之成均以不就試而罷詩文力追

古人顧不輕與人交其論藝多否少可里中後生亦鮮
與洽者詩宗少陵榜其齋曰杜可五十後逃于禪盡焚
所作文字足不出戶限者逾二十年陳希濂灑水寄懷
云早除煩惱惟參佛晚厭聲名并棄詩蓋紀實也老而
寄居城東靜修僧舍卒年七十二無子以族人祿
為嗣其弟子哀其遺稿得若干卷曰小安養齋集
簡萬近蓬

聞君歸卧曲江頭心折平生馬少游
歷下有人傳白雪揚州無夢到青樓
論交曾倒中郎屣懷舊空餘季子裘
旅館肯來相問訊一叢紅穗海棠秋

送錢叔瓘之官閩中

金明池上杏花偏猶憶宮袍稱少年
家有詩名傳大歷官從雲棧入西川
山迴劍閣春風蚤水接嘉陵夜雨懸
聞道閩中多勝賞新吟應寫益州箋

桐鄉道中與張妙蓮讀愚山詩

悠悠素心侶泛泛清川曲論詩愛宣城展向篷窗讀道勝氣
自和官貧語無俗摘句補遺圖舟行未遑錄激賞睇遙巘斜
陽秀雲木

雲怡閣夜坐

明月如良友黃昏亦肯來人憑虛閣坐窗向晚涼開世路貧
難合鄉心老漸灰結廬侘日隱須近飯猿臺

題莫柳亭先生柳下勘書圖

柳下繙書倦眼開丹黃有志未能灰功名半爲耽詩誤忠孝
都從識字來但授生徒居栗里不貪令史給蘭臺于今若問
劉中壘白首龍鍾臥草萊

詩僧

少室無文字祇園倒刹竿如何薙鬚髮竟爾嘔心肝釋子求

名易驩人入道難紫衣猶不羨肯復拜都官

紫陽山晚眺

望望富春渚孤飛白鳥閒潮迴海門樹天盡越州山仙洞尋
遺蛻寒花笑旅顏茅君壇址在步履未須還

懷春江第一樓

第一樓前江水流別來長憶昔時游豈知垂老猶爲客未識
何年更倚樓高捲珠簾邀夜月橫吹鐵笛對清秋還鄉若復
供遐眺消盡平生羈旅愁

沈時俊

字獻廷嘉興詩生

郊居詩話獻廷幼穎悟能讀書爲文不隨人步趨沈思渺慮以俊拔爲主作詩亦然

十五夜對月有懷古民先生客廣陵

中秋眞令節苦憶客星山明月已如此高人去未還乘槎非

所願騎鶴幾時閒把酒遙相待隋楊不可攀

董兆元

字蓉采號江峰烏程諸生著江峰詩文集

孝子詩

浮雲凝晦色雛雁正悲嘶四座且勿喧聽歌孝子詩孝子者
伊誰翁氏兩孤兒馥馥庭中蘭奕奕階前芝父母慶俱存晨
夕繞膝嬉阿翁更愛惜出入常自攜俄爲西粵遊遂與家室
離臨行撫二子忍愛復割慈太息屬賢婦汝當教育之成立
汝之責勿復顧我爲揮淚出門去孤帆泊天涯命蹇薄險阻
奄忽隨湘纍雖遇掩骼恩蹤迹徒猜疑婦弱子復少相顧徒
淒其婦又齎恨歿弱息將安依伯也甫童子尋父湘江涓捨
身波浪窟骨立神亦疲訪求意未息僕夫病將危中道委溝
壑子身益難支慟哭訴虞舜愁雲起九嶷鄉賈挾以歸憔悴

無容姿伯姊前搥胸弟何不再思父母重嗣續髮膚當保持
殺身復何補徒令厥罪滋二子泣且謝良訓安敢違從茲益
勵志書冊勤探窺季子學術茂巍科掇春闈闈房遞舉子佳
夢維熊羆自念且有後飄颻從此辭密室戒行裝勿令旁人
知相將走萬里履險常如夷洞庭連天闊衡岳與雲齊蛟龍
挾舟舞虎豹躡路颯炎風扇虐暑瘴霧白晝迷野宿雜蟲豸
攢體成瘡痍窮冬十二月雪落何霏霏兩脛凍欲脫兄弟同
時飢破襖擁作裘斧冰持作糜妻子倚門泣矯首望天倪人
生重禮義終不爲此移身命且不恤何言顧恩私寒暑忽再
易日月不可追消息卒何有筋力安所施徬徨入古廟撫心
相顧嘻季也忽攘袖抽刀自刺肌出血取書疏揮灑何淋漓
旁觀紛雨泣良友前致詞事不究其原自賊無乃癡新塘失

蹤迹求之當在斯長跽謹受教命匠乃庀材一舟初製成上
下極沿洞號慟倚中流淚盡血復隨川流咽不波日光淡無
暉路人走相告酸楚徹心脾窮村有老翁短髮亂于絲指示
父死處骸骨埋沙泥一爲述日月再爲述容儀復爲出佩鑰
故物昔所遺昭合旣無訛斯翁甯我欺求生乃得死物在人
已非孤墳覆若釜馳逐鹿與麋爰命除荆棘巍然樹豐碑冠
裳一布奠道路生光輝念昔始辭家生子初嬰孩及今還柴
扉再拜迎我歸井桃昔未花灼灼今已開所歎田園蕪滿自
生蒿萊姊弟重會面痛定有餘哀母兮如有知庶幾慰夜臺
存歿兩無恨孝道甯有虧嗟誰非人子聞此能勿懷況我少
失怙甯不肝腸摧染翰竟此曲謾謾悲風迴

有客話舅氏嚴海珊先生雜詩感賦

浮沈薄宦鬢成絲生業曾無半畝遺先生詩地無一畝與兒孫穎士窮來

悲舊僕樂天老去遣歌姬棠梨細雨天涯淚萼菜秋風故國

思直是欲歸歸不得有誰為辦草堂資

自悔談詩誤一官先生嘗言我老來憔悴世途難故人厚祿官為詩誤耳

音書少大吏憐才禮數寬花正索吟開徑賞書須補讀散衙

看又騎瘦馬滇南去白髮蕭騷風雪寒

徐望字東圃鄞人著望雲集二卷於斯堂稿四卷東圃偶存一卷飛暮集四卷

雙玉罍歌用汪菱湖韻

何年古璠璣玲瓏作雙杯方圓圍徑寸剗刻疑雲雷潔過明

月珠淨比青琉璃罔識何代物將毋周秦遺街市久不售太

息知音稀柯亭竹欲枯爨底桐將灰可憐世上兒競將砥砢

持看能發長歎懷寶空爾為欲將千古淚共灑荆山陘

沈

煒字竹堂山陰巖貢箸

莫芝庭序畧先生詩

清而腴麗而不縛

余大輝曰先生生平敦孝友

重然諾嘉言懿行式於一鄉

眼雲舸醲說竹堂居張賢白魚潭與予從曾祖東序公

為婚亞老於章逢予少時從舊書堆中獲詩鈔亂後繫

本不可復得僅記其手書統扇題畫一絕又斷句如首

夏郵居云新將符籙龍係長飛到楊花燕子忙仲秋小

齋自遣云拍看明鏡驚秋老喜把深杯待月圓落花云

起看市地紅如許想到辭枝淚更多立冬前一日云衰

草慵蠶寒過我短籬殘菊瘦於人仲春遣興云五里看

山猶蠟屐一樓得月偶調絃淡境云從來風月能涵性

未得神仙不讀書

皆得劍南三昧

題俞曉峰鑑湖春釣小景

解組歸來又理綸柳西亭下草如茵鱖魚細聚萍根短不礙

斜陽打槩人

借客游吼山二宕

兩浙輶軒續錄

卷七

沈煒

五

七上

會稽山水清且妍曹山獨矗陸地蓮何年擘此五丁力滅沒
斧鑿俱天然或如蹲獅或立象建牙列戟森峯巔方平所叱
廣所射物狀各肖殊方圓我來仰看恣奇賞有客導我尋幽
淵中有石簣讀書處僧寮借榻容青氈山根互蟠開生面沿
溪一棹度東阡桃源小口隱忽見石門不閉待神仙容舟一
罇脊橫互突兀迸裂勢欲躡入門曠奧豁心目深碧徹底凝
寒煙潭深千尺不可竭樓臺倒影蛟龍眠巖奇水冽鍾異物
凡鱗不敢游鱸鯪徘徊俯瞰息唼呷當軒鬪酒排詩筵醉酣
長嘯萬谷應之而人立噴飛泉倚闌坐客驚潑刺掉頭大尾
同扇扇從者兒孫可尺計游者自在不跼踈山靈豈敢囿神
物幽巖勺水分龍泉只愁夜半雷雨作蟲鳳爲負鼉爲穿昔
人觀此亦云樂擘窠字古危崖鐫迴舟日暮猶戀戀遙看萬

笏朝青天

老鶴行

老鶴老鶴何所求盤跚日日縱山頭仙人乘之徧十洲俯瞰
溟渤如浮漚夜深華表語霜雪人民城郭論千秋腴田足香
稻鷓鴣非吾儔空山生竹實鳳凰充其羞自揣非分不置喙
大地一顧無糧餼升仙縻爵虛拘耳瘦影上薄浮雲浮偉哉
胎禽得仙氣下任鸞雀爭啾啾

野泊曉起

纜舟湖岸宿寒入夜初分一月忽沈水半山將出雲旭光迷
樹色橋影閃波紋孤夢推篷斷披衣看曙昕

余昂霄

字紹堂號松巖仁和人乾隆癸酉舉人官河南密縣知縣著健松堂集

杭郡詩續輯松巖在官以慈惠稱後以母喪歸請改儒官旋補歸安訓導暮年引疾居里與顧涑園萬近逢周

亦庵黃書屏族弟松屏以詩酒相酬倡又善繪事卒年八十有八

和方蒸砂雨後獨坐

夕雨洗殘暑荷氣生我衣當窗蛛網挂隔竹螢火微坐石有餘清溼雲涼不飛幽人應未臥悵望蘆之碕

題畫

喬樹空亭接翠微南屏村落認依稀懸知潑墨房山好水閣涼雲瀚欲飛

朱休度

字介裴號梓廬秀水人乾隆癸酉舉人官山西廣靈知縣祀名宦著侯甯居偶詠二卷壺山吟稿

府志休度明文恪裔孫淵源家學該洽宏通詩文並造上乘官廣靈知縣有循良之譽

扶筇

老催花事減春惱病懷深小雨遲晨起殘紅入暮陰天涯芳草夢身外野雲心俯仰茫茫裏扶筇一短吟

吟嘯篇贈吳澹川

澹川翁東門東倒一室懸空空空易發聲金石同聲流空外
滿空中吟聲嘯聲出不窮平生吟嘯殊俗好不數米鹽問井
竈杜陵陶冶自長吟蘇門跌宕復長嘯吟成半夜神鬼驚嘯
起空山鸞鳳叫曾經跨海超蓬瀛萬里風長騰嘯聲曾經摩
壘戰壇坵千人軍埽馳詩名亦能博塞爲歡娛酒酣一擲千
金輸歸舟襍被椀樓居青山吟嘯自澹如澹川有何物送歸舟青山滿椀樓句
人傳誦之如今老猶翫髣髴神唯盱有時失意一嘯鳴可舒千丈萬
丈氣不平有時得意一詩歌可抵千金萬金價不多使人讀
詩齒生津春空雲態秋水神使我聽嘯耳生明仙乎仙乎緱
山笙吁嗟乎乾坤清氣得來大難翁也呼吸筆端舌端世之
齷齪者尙不能歷其藩翰何況闕乎堂奧得奇觀

蒲桃峪

昨尋易水源

在廣昌縣城外

今亂易水流糾結成隘口天險扼咽喉

是名蒲桃峪高低列成樓客行愁詰屈下上窮冥搜撥石蹠

硜硜涉波車浮浮羊腸霜滑道雁陣風驚秋身如緣竿掛心

若懸旌游歇鞍入村店喘息類吳牛餽飴聊充腸欲憩不自

由山盤水更複日仄前途修

朱

煥

字南政號硯齋海鹽人乾隆癸酉舉人官山東萊蕪知縣著歌風堂詩鈔

縣志煥由東陽教諭升山東萊蕪令廉潔愛民卒于官

題許生韞亭

肇封

逗雨齋詩草

漫說金鍼暗度將天然雕飾已成章他年論定推丁卯十斛

明珠詎易量

長吟伴爾六經春諷誦回環感別辰試畫烏絲三百幅秋鐙

夜雨賦懷人

秦始皇廟

在縣南一十八里秦駐山上廟前有飄松一株伐去復生

立馬夕陽開山風拂面來秦皇渺何處遺廟伴蒿萊覆轍千

秋戒雄心萬古灰薄雲歸遠岫憑弔獨徘徊

宿茅庵

在秦駐山宋建中有泉後有黑龍潭禱雨輒應為一山古刹

健步披榛上看窮萬仞梯穿雲拌屐碎近寺覺天低老衲松

陰出新詩石壁題為言歸路晚聊借一枝棲

莫廷魁

字柄南山陰人乾隆癸酉順天舉人官江蘇泰典知縣嘉慶癸酉重赴鹿鳴

歸田後葺小廬曰退休贅以小詩

小窗差喜向南開萬紫千紅次第栽花甲年華彈指過退休

且喜近蓬萊

許瀚

字紫瀾石門人乾隆癸酉拔貢官江蘇山陽知縣著留眞書屋詩橐

石門詩存紫欄居貧好讀恆中夜不輟
膏盡燃落葉繼之工六法在官有政聲

深秋

秋深漸覺客衣單愁緒茫茫集百端露滴荒階蟲語碎風穿
老樹葉聲乾黃花有恨和人瘦孤雁無羣入夜寒一榻蕭疏
眠未穩空教魚目淚闌干

董秉純

字抑儒號小鈍鄞人乾隆癸酉拔貢官甘肅秦安知縣箸紅雨樓詩文稿江遊草百花吟

縣志秉純始任那地土州判其地猺獠雜處乃集鄉耆朔望講鄉約俗為之變繼權天河縣上思州事創建

鳳岡書院延掌教集諸生誦讀作學規四條揭之講堂邑多曠土民不知種植命樹瓜蒞之屬以資食用又令

陸地栽桑民得挾績後擢秦安令俗好爭鬪為刊布律例頒令宣明勸化執業於全祖望好談政治祖望目為

有用之材

緝雅堂詩話余覽樗庵文稿于前代忠節鄉邦文獻表章蒐訪不媿為結埼弟子儀徵使浙一時名雋咸集公

門樗庵獨守幽介未得接見定香亭筆談曾及其事歎慕移時

石鐘山

初夏到姑孰束縛塵事併咫尺謝眺山健步無由騁孰云地
主俗亦苦心未靜竭來泛彭蠡孤舟緣石屏大聲起微波碎
泝宮商迴客久倦成暝午夢驚復醒不意石鐘山嶄然落舫
艣鏜鞳知魏獻噲叻識周景神遊三十年至文重與領遂著
一雙屐直上千尺頂嶽崑列劍戟十步九不整最高雙狻猊
微徑蟠中徑出此崖谷斷臨危發新警左腰青芙蓉鏡面可
一眴蜿蜒作蛇行絕岸得延頸梵宇亦疏古足以延清冷此
行太牢落況乃舟楫永豈知開快悒勝事忝多幸敢謂追冥
揆庶幾入佳境回首望青山惆悵空微影

大隱溪寓亭

黃公棲隱處孝子笏輿經流水門前綠高峯屋角青求魚尋

鐵網洗藥挈銀瓶底事怱怱去山靈問客星

季汝明

字旭光龍泉人乾隆癸酉拔貢

縣志汝明孝友敦謹五歲而孤母葉親授之讀過句讀難下輒撫而泣曰若父在不至此汝明感奮積學弱冠遊庠癸酉選拔

廷試優等因母老陳乞歸養當事贈詩文以彰其孝尤輕財樂施子為謙

庠生有父風
侍母展墓經白雲巖

似絮晴雲半嶺生山中佳景值清明藥苗香雜鵲花麗松粒
青隨柳帶縈冷節漫悲泉水杳春光欣御板輿行地幽罕接
尋芳屐舊有高人隱姓名

過章中丞廢宅

千山空廢宅雙澗繞平田元老思前代勲名逐逝川鳥嘯花
苑月雨霽鼓樓煙野牧忘興廢斜陽藉草眠

程

浩字森淵乾隆丙子永嘉人

順天副貢官戶部員外郎

縣志養齋由中書棟發貴州通判授丹江歷署府州廳

縣十六任前後在黔二十年所至有廉聲苗民亦皆感

化戊戌授鎮遠府庚子引疾歸橐無餘財有手繪苗疆

風土百册各繫之詩以寓勸戒名曰黔中竹枝詞病痊

改補戶部福建司員外郎未幾復謝病歸食貧自甘閉

戶箸書老而不倦著養齋小彙十卷四留堂彙二十卷

韻府補

十之詩 并序

昔白樂天有四雖詩謂年雖老命雖薄眼雖病家雖

貧也子偶除陋室苦乏名葩瓦盆舊植有賞之者有

嘲之者亦有惜之哀之者數日內得七律十首做香

山四雖例即以十之名篇

偶向春風賦十之一簾膏雨釀花時初除陋室苔猶淺暫掩

衡門草已滋陶冶性靈勤覓句追摹初盛學裁詩儻君未盡

閒吟興更擬新題和四雖

天竹無恙賀之

一望依然老幹森從知天竹結根深黃梅未作催花雨綠葉
先逢得地陰果可避災應廣植兼能傲雪少知音試看百卉
凋零後朱實纍纍映碧林

盆桃失候嗔之

仲春準擬賦桃天底事盆柯竟寂寥風信已隨驚蟄至花魂
不赴豔陽招誰憐媚色開偏晚獨對空枝恨怎消彈指韶光
今又半仙源早有落英飄

木筆擢穎獎之

東風昨夜散陽和木筆欣榮發舊柯尙臍枯枝遲雨潤先抽
新穎待春呵明明入夢香猶在咄咄書空意若何不肯低頭

齊獻媚品題應冠百花科

細竹異品也珍之

鍼大青筠掌大資纖纖分得此君支漫將鳳尾誇奇種試看
龍孫擢細枝雕儿託盆良不愧白團寫影正相宜等閒難覓
風塵伴除卻寒香更有誰

新蕉悴甚危之

新抽蕉葉未成旗況植分根易地時朝旭乍侵青欲悴午風
徐拂綠將披明知修竹彈無分卻恨臨池課有虧好語春工
齊擁護書窗專待碧綃帷

蒼筤禪友也禮之

鮮支妙馥古時傳只有鄉園小樹娟矮幹生來留作玩六花
翦出別爭妍何曾著色原皈佛是處聞香可悟禪我欲矯情

空一切色香界外獨超然

石榴萌蘖壓之

只因和煦發韶妍不道安榴也鬪鮮
槎影有緣甯憚遠春光無分莫爭先
自饒烘日蒸霞態應避紛紅駭綠天
珍重稍頭風露足一枝留伴火雲然

病茉莉救之

迎薰最喜柰花開瞥見愁容意倍哀
只爲嚴霜藏愈固誰知乾土久成災
枝頭賸綠蟲全蝕盎底焦黃葉作堆
移向陽和勤灌溉一絲生意轉枯荄

月季甚賤以四時不絕能補百花之缺存之

紅英月月落紛紛霜露齊霑孰與羣
羞比野花高一等每逢時豔減三分
不爭妍處春常在向寂開來意獨欣
只恨刺多

枝又弱憑他籬落鬪芳芬

白木槿一株舊植也根荑畢露培之

白槿根虛勢欲摧呼童負土好滋培風刪悴葉容全改雨濯

柔荑氣乍回漫比野花曾插帽參觀朝菌莫停杯乘時更覓

新杈藥護藥防蔬仔細栽

李汪洪

字直甫汪度弟仁和廩生箸東列未定稿

杭郡詩續輯直甫家城南與其兄受之汪度同及王素心之門抗言高步傲脫流輩嘗一作湘中之游後受之成進士而直甫以諸生終卒年未四十其東柯稿為汪韓門太史點定并製序文

雨霽過碧浪湖

霞脚射波波點碎綵繚鞞紋漾溼翠青山朶朶連青翹霧鬢
雲鬢妙天繪瓜皮艇子搖空濛汀煙岸柳黛色濃捎捎瑟瑟
渺何有片片殘雲縷縷風風吹水面回沙尾隱隱歌聲清聒

耳櫂入菰蒲不見人翠羽雙雙踏波起

羌口塘

羌口塘邊進艇遲野人家是舊茅茨晴添湖水歸魚沒春約
東風上柳枝一桁橫塘浮鴨翅半竿斜日颺船旗杏花開處
梅花落夢到江南細雨時

方

照字春寓號梅巖又號子青仁
和貢生箸梅花吟館詩存

舟中望硤石山

平生愛山水鴛湖無近峰屢欲策游屐今茲忽相逢推篷喜
新霽隔岸臨芙蓉山清石齒齒山曉雲重重雲際見古塔石
罅多蒼松僕僕嗟行役登臨歎無從何年滌凡慮試一窮其
蹤舟移忽相失亭午聞清鐘

胡青上

字雲士海甯諸生
官四川重慶同知

大梁李烈女紀事

精衛填東海海水爲遷移杞婦哭齊城城隅爲崩摧心匪石
莫轉自古多有之豈意孤弱女視死眞如歸大梁女李氏媵
婷二八時阿母勤紡績阿父業耘耔操作賴阿女承歡奉槃
匝大梁多富豪與父嫌隙滋陰謀蓄已久一旦酖毒施女父
竟垂斃束手奚能爲富豪喜洋洋田父死無兒有冤誰得控
有仇誰得知阿女默聞言吞聲涕漣漉欲行都亭刺僮僕紛
追隨欲託春蘭傭仇讎增猜疑戴天誓不共勺作牒訴詞下
投府縣官上達藩臬司官司置不理相顧如聾癡銜冤條三
載女心益增悲便辭阿母去千里走京師但得父讐復不惜
筋力疲京師臺省列控告懇矜哀誰知勢交格滿堂森嚴威
緹縈書空上眞卿法猶私女慟幾欲絕慟絕強自持卻傳明

府到廉明人莫欺京師還汴省竭力苦奔馳歸白明府明
府方嗟咨嘉彼婉變質瀝誠肝膽披見威不惕息履險如坦
夷非因奇冤慘困憊奚至斯苦衷已盡見漏網須窮追富豪
併惡少訊鞫罪當治豪家宣謗沸公子遣媒來女言身微賤
忝作貴介妻妾有老母在煢煢無所依願效北宮志願瞻守
庭闈數年母病沒檢點殯葬資親戚鄰里集未語先淚垂妾
痛父見殺徧歷諸艱危差幸父冤雪莫報母恩慈身爲清路
塵毋爲濁水泥奄奄黃昏後長繩挂荆扉貞孝兩不愧行路
同獻歎

鍾駕鼇

字繩祖嘉興貢生
箸海六詩鈔

夏雨詠懷

自笑生涯任轉蓬悠悠殘夢雨聲中病多大類霜前鶴老去

誰憐爨後桐早識文章終覆瓿虛糜歲月事雕蟲平生知己

縈懷甚譽擅無雙感謝公

謂舒燕堂先生

隄柳蕭疏竹樹清三年留滯廣陵城千家樓閣珠簾卷十里

笙歌畫舫明水部新詩同覓句

謂李抑齋州守

樊川舊夢最關情回

思暮雨瀟瀟夜腸斷江南玉笛聲

張映垣

字燕林號海霞烏程廩生

蘇臺步月同諸同人作

城曲有高臺層累多奇石遺址自許公徜徉資悅懌當秋結
伴游爽氣橫千尺微雲淡欲無縹緲開天際皎潔半輪高精
瑩千里白空潭徹底清激澹含澄碧遙望眾山明天邊成一
碧高處不勝寒清冷逼人脊憶昔蘇端明幽情一何適月是
人已非俯仰留陳迹念此感慨生戚戚歸心迫明月長戀人

相隨未肯釋更期中秋時重來共盤辟回首問同人今夕是何夕

張

鯤字象厓號斥蘊鄞諸生箬習靜樓詩草

泊舟

輕舟繫古岸斜日步荒村客聚喧成市農歸倦倚門煙凝迷樹色潮落露沙痕吟眺秋江上幽懷孰與論

夜坐

兀坐誰爲伴風鐙花落時一星垂竹葉孤月挂桐枝夜久絺衣覺秋悲蟋蟀知援琴待知已應與素心期

葉上林

字彥斌臨海廩生

登仙巖謁文信國公祠

仙巖無仙人山水乃佳絕孤巒削大屏石扇高巖嶼下吞滄

海瀾浪花噴冰雪中有三層樓凌空浮玉屑秘洞做神宮大
忠標古碣信公遺像存嵩華仰高節我來百世下瞻拜肝膽
熱倚闌瞰滄溟亂礁翠明滅公昔從此來倉皇離虎穴夜宿
藜漪堂竹泉環幽潔題詩金鰲山唾壺敲欲缺從行杜貴卿
倜儻真人傑呂武腸何剛張氏氣更烈慷慨同勤王東南義
旗揭匡門陳鼓衰五坡山鬼咽惟公仁義學正氣所感結萬
死甘如飴錚錚傲鑛鐵持此立綱常天柱賴不折祠堂鎮海
隅洞天祕靈洩俎豆崇

聖朝名與日星列卽此是長生何須訪丹訣

周

春

字松靄號菴芻海甯人乾隆甲戌進士官廣西岑谿知縣箸松靄詩鈔

海昌備志松靄任岑谿知縣革陋規幾微不以擾民凡所設施有古循吏風以憂去官民欠未完捐俸償之貧不能行富事聘脩梧州志書成乃歸先是岑人祀前令山陽劉信嘉金壇于烜及松靄歸構生祠並祀劉于兩

公曰三賢祠松竊既歸潛心著述父喪服除侍母七年
母喪服除年未五十不謁選所居著書齋卧起其中者
三十餘年嘉慶十五年重赴鹿鳴宴
賜加六品銜十九年當重宴瓊林未及赴明年卒年八十有
七

閔叔徐葉昭序畧松雷周君沈酣載籍淹貫古今由名
進士爲良有司岑谿之治冠絕粵西蠻煙蜚雨中言懷
寫意蓋不勝將父將母之思焉推其心得侍父母側不
爲官樂也不得侍父母爲官不樂也讀其詩知其於仁
孝隆矣周君之詩不屑屑規行矩步以爲能心精所至
真意自流蓋其不可及者在性情在學問辭章抑末耳
然就其所詣眉山之恣肆
渭南之盤鬱殆庶幾焉

誰園詩話黍谷學吟一卷乃早年所作有沈文愨序序北
游草一卷乃入都捷南宮時作右兩集並文愨所評學
吟二集一卷著書齋集二卷乃其家居及在志局時作
爲杭堇浦太史所評夫不集二卷乃入都赴粵西所作
儀州集一卷乃令岑谿時作松雷集外詩一卷係拾遺
所存絲堂集一卷乃引艱回里時作著書齋續集五卷
乃自丙申迄
今丙午作也

吳衡照曰先生著述四十餘種十三經音畧十二卷中
文孝經一卷爾雅補注四卷代北姓譜二卷遼金元姓

譜一卷遼詩話一卷選材錄一卷

杜詩雙聲疊韻譜八卷皆梓行

安壺歌陳默齋騎尉所藏有銘釋其篆文為聶姐媠作安壺六字且審定其物當是嚴仲子為聶政母

作也因賦此詩

安壺銅色凝青翠生光照眼土花漬釋銘定為戰國器篆法

工整東周季古文聶與品形類郭氏汗簡引裴光遠集綴參

稽春秋溯夏世諧聲滅筆無疑義唐氏九經字樣云春秋岳

近也又渣化閣帖夏禹或疑姐字偏旁異須知女右吉金例

書聶作罷此省文也銘文作敗案季嬭鼎嬭字歸庚貞婦字義母區媠字

出韻所棄蓋銘作攻器銘作虹按此字不見於說文玉篇即

增也合釋三文非架偽螭匾分明辨疑識因之恍悟修書

事軼深井里迺秦地秦蜀語通習童稚說文蜀人謂母曰姐

切母同韻異 小人有母姐媠侍戰國策作媠想政潛偕母姊避臨

淄一塵隱屠肆濮陽仲子枉車騎奉金奉觴壺新製安老用
 斬綰綽意主賓歡樂歌既醉慨當以慷孝勇備母終天年身
 可使報知己恩戕俠累上追曹豫差無媿髮植穿冠怒裂背
 後來接武荆卿刺讀龍門傳驚生氣是母是子義烈萃女稟
 母教成閨懿晉楚齊秦仰高誼此壺此時虞失墜神物呵護
 藏瑤笥二十餘載留珍祕伯鼎叔彝同位置欲向雲亭問奇
 字原父南仲相擬議張掄王棟翟耆尚助又其次集錄庶快
 歐陽嗜吁嗟壺兮足寶貴爰賦長歌補史記

論詩三首示武林吟社諸子

漫士宗盛唐李王繼其躅紛紛耳食流爭架屋下屋究之唐
 宋元何曾細寓目工拙且未論大要先息俗說詩千萬言只
 此一言足

醫俗當何如惟在多讀書七錄與四部努力窮三餘醞釀既
深入酥酪成醍醐銅必山中採粟非盎中儲僅以詩爲詩枵
然笑壺盧

正經肇詩教上溯三百篇漢魏六朝後由唐迄時賢愛古勿
薄今平心無所偏多師是汝師譚詩如譚禪諸方遍參學庶
幾得真筌

初冬岑谿二首

地是龍城舊編茅數十家窮鄉無土產

新唐書縣土貢銀今不復產矣

陋室

卽官衙撫字心彌切循良願頗賒讀書松桂下甯復羨栽花
烏峽東來處田家景物新村名丁孝子石號葛仙人月湧南
樓夜風回北嶺春到官惟飲水矢不負

君親

在平懷古

凌煙閣上盡公侯，奇遇誰能似馬周。
英主用才元不測，太平作相更何求。
生前忠孝光青簡，死後形容動紫旒。
羊鼻鳶肩曾共事，昭陵斷碣臥深秋。

嚴文典

字葆林，歸安人。乾隆甲戌進士，官山東曹州同知，祀名宦。

縣志：文典，歷官山東蒲臺、曲阜知縣，有善政，解組時有設位哭祭者。

大清河築防

元初制海運，舳艫經濕沃。至元開會通，直北無紆曲。
三空五空橋水溢，猶湍湫況復。諸山泉奔匯，迅以速維茲。
大清河始行古濟，瀆又繼納。潔水洶湧，勢方蓄夏五。
苦淫霖波浪高於屋，衝突怒蛟飛澎湃。天吳撲單騎，急往視深窪。
相接續大懼潰，巨防如人洞胸腹。一日田禾湮三日，城闔覆負土身先之。

捍衛增版築平坡障蘆埽深溝塹橫木陡塘陂陀塘高下均
聯屬長隄兀如屏狂濤頓駭服麗譙固金湯南畝稻生綠功
豈余敢貪邦人士之福

癸未捕蝗紀事

乾隆甲戌十二月縮符渤海之綦蒲地處斥鹵古濕沃人民
凋敝田圃蕪十年撫字媿無術安得古語驅雞雞去歲冬無
雪遺蝗未消除忽見自西來老幼相號呼黑雲蔽空不辨色
蜂屯蟻聚爭紛拏飛騎往來籌上策募夫十萬懸青蚨折柳
作鞭復作帚掘土爲穴兼爲渠更以敝屣束長槌一撲一滅
無完膚朝露兩翅溼延緣行躍躍不聞農夫插秧歌但見中
田奔逐如追逋日午兩翼比蛩螿相依扶不聞牧子叱犢聲
但見千夫奮擊驅羸駭飛蝗去已盡蛹子留根株一卵九十

九纍纍聚族居以錢易石古人事以錢易土將何如居人踴躍共穿掘倏忽堆積成邱墟伐木焚蝻似焚賊餘燼百斛牽牛車遺子兼旬復破卵紛紛跳躍填泥塗壕深一丈廣數尺雕勦窮寇甯逃誅步蝻張翼起陡又遮天衢摧脰更裂胸搜捕無留餘馬上奔馳已百日兒童驚我容顏癯但願聞闕歌有秋何惜蒜髮盈頭願古人飛蝗不入境嗟余德薄非其徒朝來甘雨潤莖葉萬頃田疇萬斛珠

諸克紹

字聞衣一字文滿號鐵橋錢塘人乾隆甲戌明通榜官長興教諭著研北刪餘二卷

送翟晴江歸里用東坡贈翟秀才韻

已見雄文驚日下忽傳旅思動鄉關功名塞馬得失外心專
波鷗蕩漾閒汲古天供閒歲月近游家傍好溪山人生自貴
適意耳漫說春衣染汁還

三忠詠 錄一

褚僕射里

唐室傳再葉化雞亂天綱義府陰且險三思狡而狂褚公忠
絕倫諫語何琅琅生免撲殺慘死葬瘴癘鄉一死何足痛所
痛主德荒我來過舊里懷古增慨慷同時李司空奇勛冠巖
廊陛下家事耳一言而邦人何似公正直萬古振彝常禍則
偶韓來功以俟狄張

過徂徠山偶感石守道先生事賦三十韻

秦岱分元氣徂徠敞翠屏橫空攀漢斗瘞玉陋云亭新甫差
頽頽蓬萊尙杳冥雲鋪滄海白田散汶陽青風雨歸噓吸邾
滕列戶庭松排凌怪石泉濺瀉空樞天作宗邦障山招處士
星釣竿巢父隱杯酒謫仙醒有宋儒紛列先生迹此停龜陰

守素畝麟筆抱遺經衮鉞文成史賢姦涇判涇唐書誠足鑑
怪說亦堪聽運際天階正心亨多士甯范韓原嶽峙王蔡且
淵淳蟬冕登台輔鷄冠貢大廷蕭梁慙漢閣元愷紀堯奠雨
露榮枯正文章雅誥聆拔茅賢得路鑄鼎魅潛形勇直齊賁
育言皆駭贖瞑詠歌循舊職機械發新硎白璧何曾玷青蠅
不擇腥本無冤去楚豈有邑求邢薄俗工猜忌途窮尙典刑
悲哉先易簣幸矣免拘囹謗焰晴空熄荒邱石室扃魯人尊
重望歐氏劉哀銘子姓主村古茅茨溪竹馨山川不改色道
德儼流型直節公如矢浮蹤我若萍驅車來舊里仿佛見精
靈

甕山耶律文正墓

祠堂寂寞畏吾村聞說東丹八葉孫一代元勳表國史千秋

異骨泣寒原空傳神火驚翁仲無復溪毛薦墓門惆悵銅駝
凡幾度夕陽遙抹萬山昏

送雷翠庭先生歸養

副相聲名重

禁闈北堂猶是念萊衣最承

恩日陳情切未遂初時

優詔歸蚤見歡聲動錦里宵將心事付漁磯園葵勤向蘭陔

植長愛丹忱向日輝

黃大謀

字聖籌號石庵江山人乾隆甲戌武進上官至温州總兵

縣志大謀由侍衛與平臨清寇論功任永平副將遇水災發署米散振民開安堵事聞擢鎮韶南先是韶兵援臺卹銀被乾沒公廉知悉追還置乾沒者於法兵民歌頌嘉慶四年致仕歸置義田贍族族人賴之

庭樹

庭樹垂芳凍欲消
新鶯學語未全調
晚霞低映簾陰靜
夜月深籠燭影遙
笛裏驚飛花片片
樓中清夢夜迢迢
春歸酒醒都無著
填得新詞付翠髯

王

元

字青沙錢塘歲貢官龍泉訓導

榭衣仙人廢庵

在龍泉相傳吳赤鳥年有道士編榭葉為衣後白日上昇

控鶴飛昇信有諸
相傳事在赤烏初
空餘榭樹千林葉
無復山人一草廬
金井丹砂成瓦礫
紫霄靈宇亦邱墟
重尋遺蹟生惆悵
富貴神仙盡子虛

朱

鏗

字聲元海甯貢生

海昌詩淑聲元先生吾鄉老名士少為熊中丞學鵬所知後游大梁轉客雲中不遇而歸詩有信陽北地之風

汴梁

倉皇北狩勢紛拏
歲幣甘輸驛使車
將帥中原空有策
君王

南渡已無家草衰廣陌秋嘶馬風急叢祠暝聚鴉太息銅駝
荆棘裏不堪重問洛陽花

長平行

層岡積鐵天所鑄劫火不燒百神護表五十里廣二十云是
長平坑卒處戰勝高築髑髏臺在高平縣西武安辦此何雄

哉四十萬眾一堆血幽明元氣同胚胎當年攻絕太行道此
地繫韓不繫趙無故受利生禍階如斯斬刈兵家少白日西
去無東迴春風歲歲生蒿萊彼蒼好殺會有數一小豎子何
能爲

顧列星字樊渠號退飛又號樊榭秀

水諸生著苦雨堂集八卷
耐冷譚退飛豪邁忘其貧歲寒友人贈以一裘過書肆
見有漁洋全集即脫裘換之家人笑其迂難書朗誦勿
顧也夏嚴爲校
刊苦雨堂集

棄婦篇

上山采浮萍入海搏柳絮柳絮未經風聞君已乖忤棄捐歸
里門一步九回顧小妹笑相迎怪我歸何遠兔絲附喬木霜
摧始朽蠹鷓鴣寄天地啾唧巢中聚人生非蜉蝣轉眼倏朝
暮嗟吁復嗟吁掩涕向誰訴

結交行

同居里閨面不識千里相思卽橫軾空山孤悶尺書通上言
勞苦下眠食古人嫁娶不出鄉問君求友何四方天涯此日
足可惜身無羽翮空悲傷桐樹高高羈雌煩勞黃鵠下太液
孔翠來南交腹中諒不腐鼠飽雲羅雖密安能遭翻身寄謝
黃鷄子草閒不少搗與鴉

示柔瓊

樊桐山人鬢有絲惟有少子知我詩老坡海外喜阿過義山
幕府思袞師古人往矣風致在今我不樂後世嗤且賒濁酒
永今夕努力汲古毋後時

答吳澹川

溥也金闈彥風前玉樹枝白華明素志紅藥待題詩潘令乘
軒日桓生弄笛時朱霞天半起悵望阻調飢

刻諸亾友詩竟漫題二律

世已無知已天猶不愛才眼中清血盡羅隱投承甯李相公
啟泣淚而萬行清血
門外朔風哀玉樹埋何屢春蠶死未灰屋梁今夜月可照夢

魂來

性不耐裘馬居京亦閉門可堪同調客強半屬孤魂刪削曾
何忍流傳有幾存清猿與鄰笛伴我坐黃昏

寄夏守白淮南

爾去淮南大小山桂花幾度手曾攀
劉安雞犬應無恙枚叔文章豈等閒
兩地愁思鴻雁杳三年留滯桂珠艱
逾淮詩卷今騷雅底事郵筒寄我慳

潘正誼

字勛若歸安增生著學語集解顧吟粵游州

菱湖竹枝詞

林下風流若箇存河西西望盡桑園
查家籩上梅如雪苦憶高人龐太元

馮炳

字蔚堂號復齋鄞諸生官江西安義典史著愛日樓詩草

岳瞻泰曰先生詩氣清詞潔婦盡陳言

漁溝道中口占

漸逐風塵老何時息馬蹏生涯吾輩拙
客路暮年非地接黃

河迴天垂綠野低郵亭容小憩日色已沈西

送人之關西幕中

征途萬里指平陵此去應教壯采騰古驛衝寒驚宿雁荒原
入暮看呼鷹車隨赤鼻千厓雪馬躍黃河十月冰到日籌邊
知有待關西豈少漢中丞

謁韓忠武祠

颯颯寒風捲大旗錦衣曾出武侯師西湖縱酒騎驢日南國
輸金交虜時衰草夕陽依舊壘綠蘿秋雨護殘碑最憐萬古
長淮水劃斷中原嗚咽悲

月夜泊姚江聞笛

潮落風前水急流一聲腸斷木蘭舟不知今夜滄江外明月
懷人何處樓

戚儀鳳

字啟虞
太平人

方城遺獻儀鳳爲亦崖先生弟性
友愛生平邃於理學人咸稱之

下莊鄭南岳故居

幾番策杖步回塘無復芙蓉滿路香
岸草斜浮光黯黯水雲倒浸色蒼蒼
參差梵唄來僧院斷續漁歌過野航
曾是昔賢行樂地只今相對歎滄桑

章耀曾

字崑甫歸安人乾隆乙亥舉人官
江西上猶知縣箸又村詩草二卷

黃岡江邊望武昌縣城

隔江遙見武昌城路轉黃州半日程
山自西來皆北向水從東注復南行
浮圖影插三霄峻孤嶼波圍四面平
悵望庾樓何處是月明無復管絃聲

函谷關

向曉雞鳴徹市闌谿橋迎面矗高山途通暗峽千盤上地東
洪河一帶環天險排空凌砥柱坤輿角勢接潼關軍儲定有
芝雲護星使東來拜盛顏

潼關望黃河

萬仞龍門一綫開河流奔放破山來平吞渭水搖晴日折到
潼關捲怒雷隔岸郊圻秦晉合中央形影地天該何人爲唱
公無渡咫尺津涯阻溯洄

胡德炳

字宿午平湖人乾隆丙子舉人官

石瀨山房詩話家養拙先生癸未下第魏塘陸孝廉震
附車南還卒于旅舍出己資殯殮囊遺銀悉歸其家
鄉里稱之

曉起

漸覺蕉窗曙披襟出小庭烏憐頭竟白石愛髮常青花徑餘

微露天邊澹曉星未須愁觸熱少選叩岩扃

鍾

鼎

榜名震龍字天衢號子山長與人乾隆丙子舉人大挑知縣箸子山詩集四卷鼓盆集

縣志鼎歷署潁州府通判霍邱太和阜陽巢縣知縣所至矢慎矢勤緣事鐫秩復職後父艱不復出林下十餘

年以造就後進為己任

清果寺

寺在罨畫溪上梁江州刺史錢道捨宅建有管洞羅漢今廢于爨

言尋刺史宅來訪梵王宮功德留錢守丹青失管公溪光人

影外山色鳥嘯中莫憶江峰句含青閣已空

邱學劬

字至山號東河鄞人乾隆丙子舉人官江西南江知府箸秋樹根軒詩鈔

董沛曰先生工書法為梁山舟所推重初宦粵東以循吏著收藏金石書畫甲於江浙身後漸以散佚余少時猶及見其古錢凡千餘品周漢之物多泉志所未載者著有三樹堂文集

漾江樓夜坐雜感

萬籟此俱寂初蟬遠有聲海天無俗物雲鶴得遐情囊筆歌

三峽忘言洞百城沈吟殊未已獨對暮山橫
蹤迹都無賴何曾不倦游自明終古眼莫記少年頭引鏡花
全幻傾杯劍亦羞平生學道力博得靜中愁
林影月初墮良宵冉冉過句當秋近醒感入夜深多舊業親
松菊閒情託芰荷玉簫天宇冷誰與和吳歌

弔平泉莊

西川上黨箸英聲擬向平泉了此生報國功名朋黨累傳家
木石子孫情兵氛欲挽銀河洗轍迹難回瘴海行莫向名園
尋舊事洛陽興廢付閒評

陳元松

字麓濤號柳亭鎮海人乾隆丙子舉人官黃巖教諭著臨淮塞下諸游草

觀插秧

古人重力耕斯言不我欺既爲家室累焉知手足疲良疇繞

盧舍春暮勤鋤基氣和景物換老稚爭熙熙朝牽黃犢出微
雨隨耕犁秧鋤日漸綠溝塍徧芟夷彼此相要約播種互訂
期晨炊未及舉倏見青離離折腰詎云樂結耦忘倦罷作羹
兼蒸黍餉饑任所宜日沒相慰勞呼羣共餽醕未卜風雨調
鍾石若可跂上農勞筋力下農事遊嬉終勝素餐士泌水歌
忘飢

徐錫川

字映霞上虞人
乾隆丙子舉人

緝雅堂詩話映霞赴禮部試不遇卒于京邸有
句云春愁花片積鄉夢笛聲多亦一時之雋也

秋感

浮家泛宅荻蘆秋帆飽金風薄上游賸有敝衣同待詔羞將
溫券識荊州清談祇愛南樓月入座能傾北海甌未了心期
成底恨不堪吾道付虛舟

唐象法

字世賢壽昌人乾隆丙子舉人官江蘇吳江知縣

登大慈巖

蕭蕭白髮半盈頭
碌碌塵蹤苦未休
香界因緣開覺路
甜鄉身世感虛舟
松枝埽榻雲留座
柏子焚香月滿樓
爲問白蓮僧結社
可容塵吏預風流

楊

華

字苑仙號硯雨錢塘人乾隆丙子順天副貢著海藏書屋遺稿八卷

杭郡詩續輯苑仙爲符樂林弟子又爲查儉堂禮趙勿藥一清壻文字津梁具有師法藥林舊藏梅花硯苑仙爲作歌儉堂愛其才因妻以女藥林贈硯爲聘且圖焉苑仙尤工畫梅玉几山人以補之再生譽之久居長安里中人或不能舉其姓氏後主講定州卒于書院子世裔世儼世儼皆官蜀中

題墨岑先生橫塘秋樹圖

秋雁一聲涼月白
天涯幾處悲秋客
極目延秋不見秋
那知秋意空蕭索
先生心漾玉壺清
卷舒雲夢翻蛟鯨
翦取西冷

一段奇

宋時西湖有

疎疎落筆橫塘生
悅聞寒煙墮幽磬
滿

紙化作空濤聲際此江鄉好風景會約沙鷗
蹋溪艇半醉欲

眠秋可憐卻被天風忽吹醒雁聲今又過江南
相思夢繞蘆

花冷

錢大經

字虞惇號敦堂平湖人乾隆丁丑進士官翰林院編修著槐蔭堂稿

高宗稔知其才丁丑臘唱日

召見讀卷大臣
上曰今科榜內錢大經頗有學問時虞山相國拆卷至第五

上問是誰奏曰是錢大經
上問錢某不能鼎甲耶奏曰是科善書者多不能鼎甲

上曰錢某甚有名朕曾覽過他詩文及庚辰會試
特派為同考官閣臣奏錢大經向未散館庶吉士向無分房

上曰可即授編修職是科分校得鎮洋畢尚書卷

上臨軒問畢沉出何人房大臣奏稱是錢大經所取

眷法優渥
如此

儼古

高天有雨露百卉總成陰春暉誰報得小草自紅心

詐馬

塞雲絲互色蒼蒼神馬雜沓連雲長驚颿飛燕老驢驢挽結
駿尾脫戎裝青童五尺控紫韁立伺誓命飛鳥傍轟雷碎磕
龍騰驤馳空突嶂天低昂迴風三十六乘黃

恩賚有秩思無疆於時朔氣凝秋霜廣張穹幕宴蕃王柔遠
詰兵懲怠荒用挾魚魯昭

天章咱馬之訛今始詳微臣寓目神揚揚願誌古俗傳方將
拜賡

帝製愧柏梁

什榜

有樂傳蒙古厥名曰什榜番義取諸此侑食通燕享我

皇纘武巡塞邊四十九番爭後先諸王捧觴忻上壽鞠脮奏

樂入音宣笳管箏阮絕不思鼓喉赴節聲淵淵君馬黃善哉

行毋乃古樂此遺聲同民之樂樂太平天籟人籟相和鳴在

昔周官鞀屨氏蘇歌用誌遠人至何如番曲譜鳳儀吹鞭鳴

葉百獸舞

吳

巖

字懷峯號桐邨烏程人乾隆丁丑進士官刑部郎中

府志巖先為仁和教諭以巡撫匿災白諸學使雷鉞據以入告巡撫落職在酉曹修律表龍承祖為梓行之工

繪事詩亦清婉

墨林今話桐村畫宗婁東尤工寫意花卉温也癡藏一幀頗具逸致

右安門外中頂寺

十里城南綠滿川春風春柳自年年名園幾廢靈祠在孤負

看花穀雨天

歲以四月初一開殿

金

眩

字間石錢塘諸生

鳳凰山懷古

閉戶官家似仲家
婆留得計附中華
南州裘馬英雄盛
西府賓朋歲月賒
潮撼危樓空疊雪
雲穿怪石尙排衙
幾聲牧笛斜陽外
吹盡當年陌上花

還我臨安入夢來
依然行闕曲江隈
妝樓翠黛遙峯抹
輦道青楊近日栽
誰撫河山悲地蹙
猶誇圖畫自天開
元軍忽壓鴟夷氣
幻作松聲萬壑哀

孫鳳翥

號愚亭長興諸生著夢餘小橐

含清閣追次施愚山韻

一溪煙靄晝猶冥
溪上巍然舊有亭
溼帶水雲當檻白
晴含

山黛撲窗青琴聲詩韻傳幽趣蘿月藤花儼畫屏渺矣風流
那可問浴鳧飛鷺自沙汀

隱溪庵

萬竹千松翠色齊一庵小築隱山溪白雲自向門前鎖幽鳥
閒從花外嘯每憶舊遊常結夢更隨同侶又扶藜平生賸有
煙霞癖直欲誅茅向此棲

梵惠寺

東風吹我渡溪橋節近清明景更饒花徑香迷緣蝶引竹林
茶話費僧招閒中更覺煙光好物外從知野趣遙最愛坐禪
初寂處滿山松韻響寒潮

鄭兆龍

字借亮號二泉又號秋槎鎮海貢
生著雜駢本義秋槎政本僅存草

西湖

湖光終古郡城西二月風吹綠滿隄花嶼夕陽三殿迴柳塘
春雨六橋低曾聞南渡歡遊讌誰使中原動鼓鞀閱盡繁華
潭底月蒼茫還照亂鶯呢

吳國政

字文石松陽
恩貢候選教諭

縣志國政性廉介貧而有守主講明善書院多所造就
邑某被訟餽遺囊一言其屈力卻之其操守類此讀書
有根柢耄年
猶手不釋卷

金華詩錄書後

臨海唐初稱傑釣徒江上爲漁詩人遺此前軌高格因之可
書

持節中州至此渡河心事臨終忠臣大節如許詩壇誰角兩
雄

宋元之閒才盛婺州山水生光社題雜興方謝文稱大家柳

黃

青村丁元之季潛溪開明之先一代人文稱盛于今詩格超
前

兩浙輶軒續錄卷七